

# RECIT

**Composet a neve var sujet eur Malheur erruet en parouz Pleuveur-Bodou, e miz c'houervrer 1844.**

*Var eun .ton anaveet.*

Drindet santel hac adorabl,  
Bezet em andret favorabl :  
Reit d'in ar c'hraç da recita  
Ar malheur an truezuça.

Autrou sant Pêr, me ho suppli,  
A c'honi ive, Guerc'hez Vari,  
Reit din ar c'hraç hac al lumier  
Da c'hallout scriva var baper.

Evit recita eur maleur  
Arruet en parouz Pleuveur,  
Gant pemzec den a so beuzet  
Evit mis c'hoervrer tremenet.

An autrou n'adjoant hac e bried  
Neus entreze antreprenet  
Monet, siouas ! evit ar bloaz  
Da Gentilez da vizina.

Pa neus annoncet e c'haje  
E voa joaus tud'ar c'hontre :  
Cat eure tud en abondanç,  
Dre ma voa den a gonsequanç.

Deus ar beure pa int savet,  
An devez ma voa asinet,  
Ez int ét di d'ho dijuni,  
Evit mont d'an od d'ambarqui.

Deportit c'hoas hac e cleofet  
Piou voa er gober ambarquet :  
Louiz ar bivic, e yap ena  
A voa ambarquet da guenta.

Louiz ar Bivic, Jacquez ar C'hor,  
Fanch ar C'halvez hac ar Minor,  
Pipi ar C'houlz, ar c'habiten ;  
Ervoan an Allan, Ian ar Flem.

Fanch ar C'here, Ervoan ar Gó,  
Ar Boubennec ha Louiz Oelo ;  
Ian ar Poncin, Jilo ar Gó,  
Ar Penvoan, Jaquez al Lanno.

Ervoan ar Bivic, Jan-Mari Briant,  
Ar Barazer ha Ian Vêtrand,  
Ha Mari-Louiz an Heri,  
Na voa feumeulen nemerti.

Mont a rejont joaüsamant  
Da Gentilez en eun instant ;  
Gant Cals a joa hac a gourac'h  
O devez carguet ho fasaj.

En eun dro ez int deut er maez  
Dèmeus ar porz a Gentilez,  
En esper dont da finisa  
Da voas Penvoern da discarga.

Ar bevien guez na vouient quet  
Petra voa deze destinet,  
Voa laquet o devez gant Doue  
Evit finissan ho bue.

Sortiet ez int asamblez  
Diou Gober eus a Gentilez,  
Mes goasan malheur ho deus bet,  
Ar Flanchez ho devez quitted.

Ho sonjal dont dre ar rout berra,  
Evit arruout da guentan,  
Int deut dre od ar Goulmedec,  
Lec'h voa 'n nombr bras a guerrec.

An nôz a n'em rentas sombrus,  
Pa voant en andret malheurus,  
Hac ar gober na leoie quet,  
Ma voant touchet var eur garrec.

Gaude beza touchet ar garrec,  
Ar gober n'em gav offrajel,  
Hac a deuas da guemer dour  
Hep a hellent en em sicour.

Pipi ar c'houlz, pa neus santer,  
A lavar d'he vartolodet  
Na diampechan ar c'hanot,  
Evit commanç cas tud d'an od.

Louis Oelo, pa neus elevet,  
Diampec'h ar chanot a neus gret,  
Ha laquat anezan var flot  
Evit commans cas tud en od.

O Doue, pebez calonat !  
O voelet ar c'hanod o quitat :  
Ma savas glac'har bras ha cri  
Gant an dud paour o quiniadi.

Ma crient oll, a vouez huel :  
O ma Doue, red eo mervel !  
Autrou Sant Pêr , por'her an env,  
Hon recommandet da Doue.

Fanch-Mari 'r Bivic, ar Minor,  
Re guenta a iez gant ar mor ;  
Jacquez ar C'hor, a galon vad,  
A iaz en aviz o c'herc'hat.

Aben ma voant bet distroet,  
E voa ar gober avouillet :  
O Doue, pebez calonat !  
Ne voa den 'vit o sauvetat.

Louiz ar Bivic a guiniade  
Deus e vreg hac he vugale :  
' Adieu, ma fried, ma bugale,  
N'en em voelfomp quen en bue. »

Ar buguel paour, pa neus clevet,  
En querc'hen he dad eo lamped :  
« O ma Doue, ma zadic quez,  
Ni renq perissa asamblez ! »

Evit ho ene caeran grac :  
A greiz ho spouron hac ho glas,  
E teu Jesus d'ho c'honsoli,  
D'ho c'herchat d'an env d'en meuli.

Uz d'ar gober eur sclerijen  
A voa bet guelet o tisquen,  
A zo disquennet voar ho bag  
Da querc'hat ho ineou mad.

Jilo ar Gô a deplore  
Da vourg Pleuveur pa dostae :  
« Penos, 'mean, antren er guer  
D'annons ar malheur er c'hartier.

» Tro Doue, ma mestrez vad,  
Eman so dec'hu calonad,  
Clevet ar malheur erruet :  
O querent messan so beuet.

» Sortiet a voamp oll a c'han :  
Uguent voa anomp hac unan,  
Ha n'omp distroet nemet c'hoec'h ;  
O goasan malheur e c'he dec'h.

» — Possubl a ve, Zalver ar bed,  
A ve bet heuzet ma fried,  
Ma breur, ma niz ha ma buguel.  
Glac'har a meus beteg mervel. »

'De varlerc'h ar beure, p'e savet,  
D'a n ofern vitin ez e ét,  
Da offr da Doue he c'halon  
Ha da c'houl consolasion.

Eo bourg Pleuveur a zo glac'har,  
Ma zo en plas var an douar,  
Pa voa ar malheur annoncet  
Gant ar person en ofern bret.

Oll ezint bet epouvantet  
En iliz sant Pér viniguet,  
Pa c'hê bet clevet ar belec  
O c'hervel ane o vemzec.

« Heman zo'r malheur en hon touez :  
O vean gret seiz intanvez,  
Pemp-a-tregont a vinoret  
Ha diou a orphelinezet. »

Bras eo ar glac'har so savet  
Neuze gant an intanvezet ;  
Ne devoa den o c'honsolje,  
Nemet ar mër, henez a re.

An outro mër, pa n'eus clevet,  
A lavar d'an intanvezet :  
« Tevoet, groagez, n'em gonsolet,  
Vit bara dec'h na vanquo quet. »

Pa voa an ofern achuet,  
A voa gant ar mër ordrenet  
Mont da ésat sevel ar vag,  
Ma voa possubl e sauvetat.

Na neuz quet gallet e c'havet,  
Nag hini deus an dud veuet :  
Ar glac'har zo c'hat commancet  
Gand an dud paour, pa n'int eavet.

N'a n'euz cat hini deuz ane  
Quen a v'oa trivoac'h de goude,  
A zo daou ane eavet :  
Jacquez ar C'hor, ar Boubennec.

Neuze voa eavet Ian Vétrand,  
Ar barazer hac an Allan ;  
Na voant quet anaveabl,  
Nemert deus ho zammo dillat.

Deus kichen an de ma voant collet  
Beteg an de ma voant eavet  
A zo bet c'hoec'h miz a amzer :  
Cat ez int tout nemert pever.

N'en euz parouz ebars er vro  
Evel parouz Pleumeur-Bodou :  
Eman ar bevien en tie,  
Fournisset ho bara deze.

Ar re incapabl zo bevet  
Hac ar re glan a so soagnet :  
Ar vinoret so soutenët,  
Hep n'en deus defot den ebet.

En Kerzuel, ar c'hont Champagni  
A vev tregont paour en he di,  
Ha c'hoas a lar e quemerfe,  
Quen lezel den en paourénte.

An outro mër hac an adjoant,  
Ha Colas Nicol, quer contant,  
A lar o derc'hel en tie  
Ha doubl ho aluzen de.

Pipi Barziec, 'n outro ar C'hoz,  
Ar veleien, Catho ar C'hor,  
Guillaou ar Bail hac ar Marec,  
A ra sicour d'ar vinoret.

Daou den deus a barous Pleuveur,  
Ho daou e chom'en Enez-Veur,  
A deuz ar malheur recitet  
Evel maz e bet arruet,